



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avgvstini Barbosæ I. V. D. Lvsitani, Protonotarii, Et
Ivdicis Apostolici designati pro Tribunali Nunciaturæ
Hispaniæ, ac insignis Ecclesiæ Vimaransenis Thesaurarij
Maioris, Collectanea Doctorvm, Qui ...**

Barbosa, Agostinho

Venetiis, 1643

Cap. 1. De iusta ac saluberrima electione Prælatorum, ac Cardinalium
habenda.

urn:nbn:de:hbz:466:1-14108

in sum. tom. 1. capitulo 241. num. 4. Sanch. d. libro 7. disputat. 7. numero 4. ubi numero 7. tenet non prohiberi eo tempore sponsalia de futuro, & numero 8. resolut denunciations matrimonio præmittendas, posse tunc fieri, de quibus omnibus nouissimè Aloyf. Ricc. in d. praxi rerum fori eccles. p. 4. resol. 558. cum seqq.

Consummare matrimonium antea contractum his temporibus prohibitum non esse, cum iura loquantur de contractione, tenent Nauarr. in man. capitulo 22. numero 71. Sanchez dict. disputat. 7. numero 21. Aegid. de Coninck de Sacrament. tom. 2. disputat. 30. dub. 3. ad fin. Va-

ler. Reginald. in praxi fori penitent. lib. 31. numero 189. Ego ipse d. alleg. 32. num. 195.

Matrimonium de licentia Ordinarij posse his temporibus prohibitis sine solemnitate celebrari, resoluunt decifumque referunt Galet. in margarita casuum conscient. verb. matrimonium pag. 163. col. 1. Franc. Leo in thesauro fori eccles. part. 2. capitulo 9. numero 57. Sanch. dict. disputat. 7. numero 12. Valer. Reginald. d. libro 31. numero 188. Aegid. de Coninck dict. disputat. 30. dub. 3. num. 36. Aloyf. Ricc. in decifion. Curia Archiep. Neapol. decif. 8. per tot. p. 4. Ego ipse d. alleg. 32. num. 194.

DE REFORMATIONE.

De iusta, ac saluberrima electione Prælatorum, ac Cardinalium habenda.

C A P V T P R I M V M.

- 1 Doctores de materia huius cap. agentes.
- 2 Gregorius X IV. quoad Prælatorum electionem renouauit, & in multis ampliauit huius cap. ordinationem.
- 3 Missa de Spiritu sancto præmittenda est pro forma, & validitate electionis.
- 4 Electio promouendorum ad Episcopatus fieri debet sub peccato mort. de digniore, & utiliore Ecclesie.
- 5 Professionem fidei emittunt prouisi de monasterijs,

Conuentibus, domibus, &c.

- 6 Ea omnia & singula, que de Episcoporum præficiendorum vita, ætate, doctrina, & ceteris qualitatibus constituta sunt, in creatione S. R. E. Cardinalium, etiam si Diaconi sint, exigenda sunt.
- 7 Etas ad Cardinalatum eadem requiritur, que desideratur ad Episcopatum.
- 8 Legitimi per subsequens matrimonium non admittuntur ad Cardinalitiam dignitatem.

SI in quibuslibet Ecclesie gradibus prouidenter, scienterque curandum est, ut in Domini domo nihil sit inordinatum, nihilque præposterum: multo magis elaborandum est, ut in electione eius qui supra omnes gradus constituitur, non erretur: nam tutius familie Domini status, & ordo mutabit, si, quod requiritur in corpore, non inueniatur in capite. Vnde, et si aliàs sancta Synodus de promouendis ad cathedrales, & superiores Ecclesias nonnulla vtiliter decreuit: hoc tamen munus huiusmodi esse censet, ut, si pro rei magnitudine expendatur, nunquam satis cautum de eo videri possit. Itaque statuit, ut cum primum Ecclesia vacauerit, & supplicationes, ac preces publicè, priuatimque habeantur, atque à Capitulo per ciuitatem & diocesim indicantur: quibus Clericus, populique bonum à Deo Pastorem valeat impetrare. Omnes verò, & singulos, qui ad promotionem præficiendorum, quodcumque ijs, quacumque ratione, à Sede Apostolica habent aut alioquin operam suam præstant, nihil in ijs pro præsentis temporum ratione inuouando hortatur, & monet ut in primis meminerint, nihil se ad Dei gloriam, & populorum salutem vtilius posse facere, quam si bonos Pastores, & Ecclesie gubernandæ idoneos promoueri studeant: *β eosque alienis peccatis communicantes mortaliter peccare, γ nisi quos digniores & Ecclesie magis vtilis ipsi iudicauerint, non quidem, precibus, vel humano affectu, aut ambientium suggestionibus, sed eorum exigentibus meritis, præfici diligenter curauerint, & quos ex legitimo matrimonio natos & vita, ætate, doctrina, atque alijs omnibus qualitatibus præditos sciant, b quæ iuxta sacros Canones, & Tridentinæ huius Synodi decreta requiruntur.* Quoniam verò in sumendo de præditis omnibus qualitatibus graui, idoneoque bonorum, & doctorum virorum testimonio, non vniformis ratio vbique ex nationum populorum, ac morum varietate potest adhiberi: mandat sancta Synodus, ut in prouinciali Synodo: per Metropolitanum habenda, præscribatur quibusque locis, & prouincijs propria examinis, seu inquisitionis, aut instructionis faciendæ forma, Sanctissimi Romani Pontificis arbitrio approbanda, quæ magis eisdem locis utilis, atque opportuna esse videbitur: ita tamen, ut, cum deinde hoc examen, seu inquisitio de persona promouenda perfecta fuerit: *ε ea in instrumentum publicum redacta cum toto testimonio, δ ac professione fidei ab eo facta, quamprimum ad Sanctissimum Romanum Pontificem omnino transmittatur: ut ipse Summus Pontifex, plena totius negotij, ac personarum notitia habita, pro gregis Domini commodo de illis, si idonei per examen, seu per inquisitionem factam reperti fuerint, Ecclesijs possint vtilius prouidere, ε omnes verò inquisitiones, informationes, testimonia ac probationes, quacumque de promouendi qualitatibus, & Ecclesie statui à quibuscumque, etiam in Romana Curia, habita, per Cardinalem, qui relationem facturus erit in Consistorio, & alios tres Cardinales diligenter examinentur, ac relatio ipsa Cardinalis relatoris & trium Cardinalium subscriptione roboretur: in qua ipsi singuli quatuor Cardinales affirmet, se, adhibita accurata diligentia, inpenisse promouendos qualitatibus à iure, & ab hac d sancta Synodo requisitis, præditos, ac certo existimare sub periculo salutis æternæ idoneos esse, qui Ecclesijs*

Sup. de reform. l. 6. cap. 3. & 3. & l. 22. c. 2.

Cap. cum in cunctis, & c. cum nobis olim de electio. Concil. Lateran. sub Leone X. de reform. Curia. in princ. l. 9. cum allegat. sup. l. 22. de reform. c. 1. & S. D. N. Eius IV. in Bulla super forma iuramenti professoris fidei.

In dictis locis.

clesijs præficiantur: ita vt relatione in vno Consistorio facta quo maturius interea de ipsa inquisitione cognosci possit, in aliud Consistorium iudicium differatur, nisi aliud Beatissimo Pontifici videbitur expedire. *¶ Ea verò omnia & singula, quæ de Episcoporum præficiendorum vita, atate, doctrina, & ceteris qualitatibus aliis in eadem Synodo constituta sunt; decernit eadem etiam in creatione sanctæ Romanæ Ecclesiæ Cardinalium, etiam si Diaconi sint, exigenda, quos sanctissimus Romanus Pontifex ex omnibus Christianitatis nationibus, quantum commode fieri poterit, prout idoneos repererit, assumet. Postremò eadem sancta Synodus, tot gravissimis Ecclesiæ incommodis commota non potest non commemorare, nihil magis Ecclesiæ Dei esse necessarium, quam vt Beatissimus Romanus Pontifex, quam sollicitudinem vniuersæ Ecclesiæ ex muneris sui officio debet, eam hic potissimum impendat, vt lectissimos tantum sibi Cardinales asciscat, & bonos maximè atque idoneos Pastores singulis Ecclesijs præficiat, idque eo magis, quod ouium Christi sanguinem; quæ ex malo negligentium, & sui officij inmemorum Pastorum regimine peribunt, Dominus noster Iesus Christus de manibus eius sit requisitus.*

Ezech. 3. &
18.
Act. 20. supr.
sess. 6. de reformat. c. 2.

1. **V**ide Ludouic. Maretan. in *elypeo militantis Ecclesiæ libro 3. capitulo 19. cum seqq.* Nauarr. in *tractat. de orat. miscel. 33. cum seqq.* & *miscel. 42.* Mandos. de *signatura gratiæ in princip. verb. professiones.* Franc. Leon. in *thesauro fori Ecclesiæ. part. 1. capitulo 2. à princip. Bellet. disquis. clerical. part. 1. titul. de discipl. clericali §. 4. num. 33.* Valer. Reginald. in *praxi fori penitent. libro 30. tractat. 3. numero 163.* Campan. in *diuers. iuris Canon. rub. 5. capitulo 4. numero 5. cum seqq.* Galganet. de *iure publico libro 3. titul. 8.* Homobon. de *Bonis de examine Ecclesiæ. tract. 2. questione 37. & 38.* nouissimè Stephan. VVeyms ad *constit. 24. ex antiquo iure desumptas.* & per *Concil. Tridentin. in nouatas.* constitut. 2. numero 7. & 8. pag. 20. metipsum de *officio.* & *potestate Episcopi part. 1. titul. 1. capitulo 5. à numero 4.* & *part. 2. allegat. 1. latè in meo tract. de iure Ecclesiæ. libro 1. capitulo 9. de Episcopis.* & *eorum election.* & *suprà sess. 7. de reformat. capitulo 1.* & *sess. 22. etiam de reformat. capitulo 2.*
2. Huius capitulo ordinationem quoad Prælatorum electionem renouauit, & in multis ampliavit Gregorius XI V. in *eius constitut. incip. Onus Apostolica.* sub dat. Roma 1. Maij 1591. quam refert Quarant. in *summa Bullarij verb. electio.* Piasec. in *praxi Episcop. in proem. de elect. numero 2. pag. 10.* Et emanauit instructio particularis circa conficiendos processus inquisitionis super qualitatibus eorum, qui promouendi sunt ad regimen Cathedralium, aut aliorum superiorum Ecclesiarum iussu S. D. N. Urbani VIII. edita, quam transcripsi *dict. capitulo 9. de Episcop. & eorum election. in fine.*
3. *a. Supplicationes, ac preces, &c.*] Vide Stephanum VVeyms citato loco numero 7. Vnde pro forma, & validitate electionis præmittendam esse Missam de Spiritu sancto, obseruant citati per me in *collect. ad capitulo cum Ecclesia Sutrina 3. de causa possess. numero 5.* quibus adde Franc. Emmanuel. *questione Regul. tomo 2. questione 52. articulo 1. versic.* & sic videmus, Castellin. de *elect. capitulo 3. numero 2. versic. octauo.* Franc. Sigism. à Bononia in *simili tract. dub. 19.*
¶ Eosque alienis peccatis communicantes, &c.] Vide S. Leonem Papam *epist. 85.* relata in *capitulo miramur 61. distinct. 161. Quid est communicare peccatis alienis nisi ealem effici ordinantem, qualis ille est, qui non meruit ordinari, &c.* refert Capatam in *el descursu de la obligacion de los Prelados p. 2. concl. 2. num. 2.*
4. *¶ Nisi quos digniores, &c.*] Electionem promouendorum ad Episcopatus fieri debere sub peccato mort. de digniore & vitiore Ecclesiæ, per eos omnes, ad quos quacunque ratione id spectat, aut alioquin in hoc operam suam præstant, tenet Galet. in *margarita casuum conscient. verb. eligere pag. 95. col. 2.* citati à Fr. Sigism. à Bononia *dict. tract. de elect. dub. 33.* Capatam in *el descursu de la obligacion de los Prelados part. 2. conclus. 1. per tot.*
5. *¶ Ac professione Fidei ab eo facta, &c.*] Hanc præ-

sentis decreti dispositionem Pij IV. in *sua constit. 114.* incip. *Iniunctum.* sub dat. 1. lib. Nouembris 1564. extendit ad quoscunque, qui de monasterijs, Conuentibus, domibus, & alijs quibuscunque locis Regularium quocunque Ordinum, etiam Militarium, quocunque nomine, vel titulo promouerentur, & licet Hieron. à Sorbo in *compend. priuileg. Mendicant. verb. professio fidei.* cui suffragari videtur Sanch. in *præcepta Decalogi tom. 1. libro 2. cap. 5.* dicat in vsu non esse, tamen contrarium probant Nauarr. *constit. 2. de summ. Trinitat. ff. Emman. quest. regular. tom. 2. quest. 72. artic. 1.* Antonin. Ricciul. de *iure personarum extra gremium Ecclesiæ existent. lib. 1. cap. 13. num. 5.* Petr. de Ledesma in *summ. tom. 2. tractat. 1. cap. 4. in fine.* vbi quamuis referat quandam Religionum consuetudinem non faciendi huiusmodi professionem, eam tamen improbat.

¶ Omnes verò inquisitiones, &c.] Vide Flamin. Paris. de *resignat. benefic. libro 8. questione 5. numero 10. cum seqq.* & *quest. 6. numer. 4.* vbi subdit idem tenendum in beneficijs consistorialibus, cum in eis vigeat eadem ratio.

¶ Ea verò omnia, & singula, &c.] Vide Azor. in *6. sicut. moral. part. 2. libro 6. capitulo 6.* Campan. *dict. capitulo 4. numero 5.* & *rub. 7. capitulo 6. numero 47.* Salzed. ad Bernard. *capitulo 25. littera A. in fine.* Franc. Leon. in *thesauro fori Ecclesiæ. part. 1. cap. 2. num. 12.* metipsum de *iure Ecclesiæ. lib. 1. capitulo 4. de Cardinal. S. R. E. vers. qui autem, & versic. de qualitatibus.* Demum omnia circa atatem, natalia, scientiam, vitam, & mores requisita in eo, qui est Cardinalitia dignitate decorandus, statuit Sixtus V. *constitut. sua incip. Postquam verus.* sub dat. tertio Non. Decembris 1595.

Atatem igitur ad Cardinalatum requisitam illam, 7. esse, quæ requiritur ad Episcopatum, videlicet triginta annorum, resoluunt Hoied. de *incompatibil. benefic. part. 1. capitulo 24. numero 27.* Maiol. de *irregul. libro 1. capitulo 30.* Paleoth. de *consult. sacri Palatii part. 4. questione 1. versic. quoad atatem.* Azor. *instit. moral. part. 2. libro 6. capitulo 5. questione 14.* Campan. *dict. rub. 7. capitulo 6. numero 47.* Mafsobri. in *sua praxi habendi concursus, requis. 10. dub. 11. numero 15.* & *seq. Squilante de priuileg. cleric. capitulo 4. sub numero 77.* Nouarr. in *singul. Canon. concl. 19.* nisi quod ex d. *constit. Sixti V. in §. 6.* in Diaconum Cardinalem assumi potest saltem qui in vigesimo secundo suæ atatis anno fuerit constitutus; quæ etiam constitutione attenda ita ad hanc Cardinalitiam dignitatem desiderantur ij, qui habent legitimos naturales, & ex legitimo nati sunt matrimonio, vt nec etiam 8. legitimi per subsequens matrimonium veniant admittendi, sicut referunt Henriquez in *summa libro 11. capitulo 20. §. 2.* Sayr. de *consur. libro 6. capitulo 10. num. 13.* & 14. Bellet. *disquis. clerical. part. 1. titul. de disciplina cleric. §. 3. numero 22.* Campan. in *diuers. iuris Canon. rub. 11. cap. 13. num. 128. in fine.* quos refero in *collect. ad cap. tanta. num. 25. qui filij sunt legitimi.*